



EXAMINATION NO.: _____

SOUTH EAST EDUCATION DIVISION

2024 MALAWI SCHOOL CERTIFICATE OF EDUCATION MOCK EXAMINATION

CHICHEWA

Wednesday, 27th March

Subject Number: M032/III

Time Allowed: 2hours

8:00 – 10:00 am

PAPER III

(Malikisi 70)

MALANGIZO

1. Onetsetsani kuti pepalali lili ndi masamba osindikiza asanu ndi anayi.
2. M’gawo A: Nkhani za mchezo ndi zolembedwa: Yankhani mafunso onse. (Malikisi 30).
3. M’gawo B: Nkhani zolembedwa: Yankhani mafunso awiri okha. (Malikisi 40).
4. M’gawo C: Chifupikitso. (Malikisi 15)
5. M’gawo D: Chimasulilo. (Malikisi 15)
6. Lembani lanu pamwamba pa tsamba lililonse loyankhirapo.
7. Perekani pepalali kwa oyang’anira mayeso nthawi ikakwana.

Question Number	Tick if answered	Do not write in these columns	
1			
2			
3			
4			

Gawo A (Malikisi 30)

Nkhani za Mchezo ndi zolembedwa

Langizo: Yankhani mafunso onse m’gawoli pa mizere ili pansi pa funso lililonse.

- 1. Werengani ndakatulo ili m’munsiyi ndipo muyankhe mafunso otsatirawo.**

MWANA WANGA

Ukamakwera pa chulu Naduwe numalalata nkusambula

Uku mapazi ako ali palasupalasu ngati nkuku ya pamazira

Udzidziwa kuti sunathothoke

Kuthambo ngati nyenyezi

Ukamathimbwizika ngati chiyabwe

Nkumandiyankhulira chingerezi anga ine kusukulu n’dapitako

Usamayiware kuti alipo wina yemwe anadula nsana kuti nawe

Uchite ngati waphuka

Ukamakana kunka ku chitsime

Ukamadandaula ndi khasu lomwe lakukuza

Numasala kutumidwa

Udzikumbuka kuti mako ndi mako usamuone kuchepa mwendo

Zikali bwino zonse ndiwe dona

Kunja kusanakuphindukire simbwa

Koma uzizindikira kuti chidauluka chinatera

Ndipo ukatambatamba umapenya kuvuma kunja kungakuchere.

Mafunso

a. Kodi akuyankhula mu ndakatuloyi ndani?

_____ (Malikisi 1)

b. Tchulani zinthu **ziwiri** zomwe woyankhulidwa akukana kuchita m'ndakatuloyi?

_____ (Malikisi 2)

c. Tsimikizani popereka mfundo **imodzi** kuti yemwe akuyankhulidwa m'ndakatuloyi ndi wa mwano.

_____ (Malikisi 2)

d. Perekani **zipangizo** zitatu zimene mlembi wagwiritsa ntchito mu ndakatuloyi

_____ (Malikisi 1)

_____ (Malikisi 1)

_____ (Malikisi 1)

e. Fotokozani kamvekedwe ka zoyankhula mu ndakatuloyi

(malikisi 2)

f. Perekani matanthauzo a mau awa:

i. Kasanakuphindukire

_____ (Malikisi 1)

ii. Palasupalasu

_____ (Malikisi 1)

iii. Waphuka

_____ (Malikisi 1)

g. Perekani phunziro lopezeka m'ndakatuloyi.

_____ (Malikisi 1)

Mafunso akupitirira/...

2. Werengani nkhani ili mmunsimu mosamala ndipo yankhani mfunso otsatirawo**GOGO GOLOSO**

Nkhani idali m’kamwam’kamwa kuti gogo Goloso ndiye adasunga mfungulo za mvula chaka chimenecho. Anthu a m’mudzi mwa mfumu Dockerwa adati mfumu yawo idangotaya nthawi kuitanitsa waula yemwe adati azimu adakwiya chifukwa anthu adawaiwala. Iwo adati nsembe zomwe zidaperekedwa zidali dyera chabe la akuluakulu a m’mudzi mwa Dockerwa.

Dzuwa lidawala kodetsa m’maso ndipo anthu adasowa mtendere ndi kutentha kwa nyengo. Munthu ankati akamwa madzi ankakhala wotentha kotero ludzu silikatha. Zitsime zidauma ndipo anthu adali atayamba kale kudzukira pakati pa utsiku kuti adzikatunga madzi ku mijogo yokhayo yomwe inkatuluka madzi m’mudzimo. Munthu akapeza mwayi wotunga madzi amangotungiratu Mitsuko ingapo.

Pa nthawi yomwe sing’anga Mbuyako adabwera kudzathandiza anthu m’mudzi wa Dockerwa, gogo Goloso anali kumva mthupi. Chibayo chinali chitawagwira kolimba.

Kuvina kuli pa chiindeinde, Namitembo mayi yemwe adabwera ndi sing’anga uja dagwa pansi ndikumagubuduka uku akulira ndi kubwebweta zinthu zosiyanasiyana. Mbuyako adati mizimu ya makolo athu m’mudzi muno idayang’ana kumbali ndipo padafunika nsembe msangamsanga.

Nsembe ya mowa itaperekedwa, kudaoneka mitambo chakumpoto ndipo nkhope za anthu zidayamba kuwala ndi chiyembekezo. Anthu ena adayamba kutaya madzi omwe adali m’misuko yawo ndi kumati amwa madzi odzidzira posachedwa mvula ikagwa. Koma posachedwa kudabuka chimphopo chomwe chidakoka mitambo ija ndi

Mafunso akupitirira/...

kuyitsamutsira chakumwera. Timadontho tochepa tokha ndito tinagwa, uku dzuwalikutsanura ukali wake. Mitima ya anthu idasungunuka.

Anthu adayamba kukambirana ndi kumafunsana za maloza omwe adawagwerawo. Ena adati mwina azimu sadalandire nsembe yomwe idaperekedwa ndipo ena adaganiza kuti sing'anga Mbuyako adangowabera ndalama ndi ziweto zomwe adalandira. Ndipo wina adakumbukira gogo Goloso ndipo mosataya nthawi adalunjika ku nyumba kwa gogoyo.

“Iwe mfiti yaikulu Goloso; tsekula mvula tsopano anthu avutika kokwanira,” adatero Babache akudutsa kufupi ndi nyumba ya gogoyo. Iye adafunsa gogo Goloso chifukwa chomwe samasambira poyang'anira momwe kunja kumatenthera.

Goloso adangobuula ndi kuomba maja kuti phu! Iye adadziwa kuti posachedwapa anthu amukankhira ku mbiya zoodoka akakhulupirira zomwe Babache adanenazo. Adasowa choti achite chifukwa adali asanapeze mphamvu kwenikweni m'thupi. Nkhani idafaladi m'mudzi wonse kuti gogo Goloso ndi yemwe adamanga mvula. Anthu adauza mfumu kuti athane ndi gogo Goloso, apo bii iwo adali okonzeka kumuonetsa chidameta nkhang mpala.

Mfumu Dokerwa itamva izi idatuma anyamata ake kuti akatenge gogo Goloso ndi kubwera naye kubwalo lake. Anyamatawo atafika kunyumba kwa gogoyo adamuopsyeza kuti akatengera zibwana amasula mvula mano ake otsala atathyoka. Atafika kwa mfumu Dokerwa, gogo Goloso adangoti: “Kani ine n'kutha kusunga mvula? Mwatani lero mumlengalenga kuseka ana ndi nkhalamba zomwe?”

Anthu onse adadabwa ndi mau a gogo Goloso. Zikadakhala ngati iye adawatsekula m'maso kuti adziwe zoti amangochedwa chabe kulimbana ndi mtunda wopanda madzi. Kenaka anthu onse pamalopa adagwidwa mutu wa zizwa pomwe mphepo yochokera kumwera idaguzira mitambo pa phiri la Nyamwero. Kosaoneka ziphaliwali koma mphenzi zidamenya. Posakhalitsa chimvula chidagwa chomwe chidabalalisa anthu omwe adasonkhana pa bwalo la mfumu kudzaonerera mathero a gogo Goloso. M'mawa mwake anthu adasonkhana kuzakonza denga la gogoyo lomwe lidagwa kamba ka mvulayo.

Tsopano yankhani mafunso atsatira

a. Kodi nkhaniyi ikuchitikira kuti?

_____ (1 Malikisi)

b. Perekani mphendero yankhaniyi?

_____ (1 Malikisi)

c. Tchulani mavuto **atatu** omwe gogo Goloso adakumana nawo paukalamba wawo?

_____ (3 Malikisi)

d. Tsimikizani kuti Babache anali wopanda ulemu.

_____ (2 Malikisi)

e. Fotokozani mfundo zazikulu **ziwiri** zopezeka m'nkhanayi

_____ (2 Malikisi)

_____ (2 Malikisi)

Mafunso akupitirira/...

f. Perekani matanthauzo a nsinjiro zachiyankhulo izi:

i. Mtunda wopanda madzi

_____ (1 Malikisi)

ii. Akumva m'thupi

_____ (1 Malikisi)

iii. Kumbiya zodooka

_____ (1 Malikisi)

iv. Adagwidwa ndi mutu wazizwa

_____ (1 Malikisi)

GAWO B (MALIKISI 40)

Langizo: Yakhani mafunso awiri okha m'gawoli m'ndime zofotokozedwa bwino.

NTHONDO (S. J. Nthala)

3. a. Fotokozani mfundo **zinayi** zosonyeza kuti Nthondo adakumana ndi mavuto osiyanasiyana m'bukhu la Nthondo (20 Malikisi)

Kapena

- b. Tsimikizani popereka mfundo **zinayi kuti** ampangankhani ena anali olimba mtima. (20 Malikisi)

CHAMDOTHE NDI ZISUDZO ZINA

(W. Nkhoma, S. Likongwe)

MCHIRA WA BULUZI

4. a. Tsimikizani popereka mfundo **zinayi** kuti Ndileya ndi Nadzonzi adataya mfungulo ya ukwati wachisangalalo. (Malikisi 20)

KAPENA

ZIKANI

b. Fotokozani mfundo **zinayi** zosonyeza nkhaza za atengambali osiyanasiyana m'chisudzochi. **(Malikisi 20)**

[illegible]

[illegible]

MAFUNSO ATHERA APA

NB: Pepalali lili ndi masamba otsindikiza asanu ndi anayi.